



*Համարը N 957-Ն*

*Տիպը Որոշում*

*Սկզբնաղբյուրը Միասնական կայք 2023.06.12-  
2023.06.25 Պաշտոնական  
հրապարակման օրը 16.06.2023*

*Ընդունող մարմինը ՀՀ կառավարություն*

*Ստորագրող մարմինը ՀՀ վարչապետ*

*Վավերացնող մարմինը*

*Ուժի մեջ մտնելու ամսաթիվը 13.12.2023*

*Տեսակը Հիմնական*

*Կարգավիճակը Գործում է*

*Ընդունման վայրը Երևան*

*Ընդունման ամսաթիվը 16.06.2023*

*Ստորագրման ամսաթիվը 16.06.2023*

*Վավերացման ամսաթիվը*

*Ուժը կորցնելու ամսաթիվը*

**+ Կապեր այլ փաստաթղթերի հետ**

**+ Փոփոխողներ և ինկորպորացիաներ**

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ԿԵՆՏԱՂԱՅԻՆ ԵՎ ՍԱՆԻՏԱՐԱՀԻԳԻԵՆԻԿ ՆՇԱՆԱԿՈՒԹՅԱՆ ԹՂԹԵ ԵՎ ՔԻՄԻԱԿԱՆ ԹԵԼՔԵՐԻՑ ԱՊՐԱՆՔՆԵՐԻ ԱՆՎՏԱՆԳՈՒԹՅԱՆ ՄԱՍԻՆ ՏԵԽՆԻԿԱԿԱՆ ԿԱՆՈՆԱԿԱՐԳԸ ՀԱՍՏԱՏԵԼՈՒ ԵՎ ՀՀ ԿԱՌԱՎԱՐՈՒԹՅԱՆ 2006 ԹՎԱԿԱՆԻ ՀՈԿՏԵՄԲԵՐԻ 19-Ի N 1546-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### Ո Ր Ո Շ ՈՒ Մ

16 հունիսի 2023 թվականի N 957-Ն

ԿԵՆՏԱՂԱՅԻՆ ԵՎ ՍԱՆԻՏԱՐԱՀԻԳԻԵՆԻԿ ՆՇԱՆԱԿՈՒԹՅԱՆ ԹՂԹԵ ԵՎ ՔԻՄԻԱԿԱՆ ԹԵԼՔԵՐԻՑ ԱՊՐԱՆՔՆԵՐԻ ԱՆՎՏԱՆԳՈՒԹՅԱՆ ՄԱՍԻՆ ՏԵԽՆԻԿԱԿԱՆ ԿԱՆՈՆԱԿԱՐԳԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2006 ԹՎԱԿԱՆԻ ՀՈԿՏԵՄԲԵՐԻ 19-Ի N 1546-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ

Հիմք ընդունելով «Տեխնիկական կանոնակարգման մասին» օրենքի 8-րդ հոդվածի 1-ին մասի 3-րդ կետի «ա» ենթակետը, ինչպես նաև «Նորմատիվ իրավական ակտերի մասին» օրենքի 37-րդ հոդվածի 1-ին մասը՝ Հայաստանի Հանրապետության կառավարությունը **որոշում է.**

1. Հաստատել կենցաղային և սանիտարահիգիենիկ նշանակության թղթե և քիմիական թելքերից ապրանքների անվտանգության մասին տեխնիկական կանոնակարգը՝ համաձայն հավելվածի:
2. Ուժը կորցրած ճանաչել Հայաստանի Հանրապետության կառավարության 2006 թվականի հոկտեմբերի 19-ի «Կենցաղային և սանիտարահիգիենիկ նշանակության թղթե և քիմիական թելքերից ապրանքներին ներկայացվող պահանջների տեխնիկական կանոնակարգը հաստատելու մասին» N 1546-Ն որոշումը:
3. Սույն որոշումն ուժի մեջ է մտնում պաշտոնական հրապարակման օրվան հաջորդող 180-րդ օրը:

Հայաստանի Հանրապետության  
վարչապետ

Ն. Փաշինյան

Երևան

16.06.2023  
ՀԱՎԱՍՏՎԱԾ Է  
ԷԼԵԿՏՐՈՆԱՅԻՆ  
ՍՏՈՐԱԳՐՈՒԹՅԱՄԲ

Հավելված  
ՀՀ կառավարության 2023 թվականի  
հունիսի 16-ի N 957-Ն որոշման

**ՏԵԽՆԻԿԱԿԱՆ ԿԱՆՈՆԱԿԱՐԳ**

**ԿԵՆՏՐԱԿԱՆ ԵՎ ՍԱՆԻՏԱՐԱԶԻԳԻԵՆԻԿ ՆՇԱՆԱԿՈՒԹՅԱՆ ԹՂԹԵ ԵՎ ՔԻՄԻԱԿԱՆ ԹԵԼՔԵՐԻՑ ԱՊՐԱՆՔՆԵՐԻ ԱՆՎՏԱՆԳՈՒԹՅԱՆ ՄԱՍԻՆ**

**1. ԿԻՐԱՌՄԱՆ ՈԼՈՐՏԸ**

1. Կենցաղային և սանիտարահիգիենիկ նշանակության թղթե և քիմիական թելքերից ապրանքների անվտանգության մասին տեխնիկական կանոնակարգի (այսուհետ՝ տեխնիկական կանոնակարգ) գործողությունը տարածվում է թղթե զանգվածից, թղթից, թաղանթանյութի թելքերի պատասխանից, ինչպես նաև քիմիական թելքերից և այլ մանածագործական նյութերից պատրաստված՝ արտաքին տնտեսական գործունեության ապրանքային անվանացանկի ծածկագրերին համապատասխան հետևյալ ապրանքների վրա՝

1) զուգարանի թուղթ	4818 10
2) թաշկինակներ և կոսմետիկ անձեռոցիկներ կամ դեմքի անձեռոցիկներ և սրբիչներ	4818 20
3) սփռոցներ և անձեռոցիկներ	4818 30 000 0
4) կենցաղային և սանիտարահիգիենիկ նշանակության այլ արտադրանք	4818 90-ից
5) կանացի հիգիենիկ միջադիրներ և վիրախձուծներ (տամպոններ) և համանման իրեր՝ ցանկացած նյութից	9619 00 300 0, 9619 00 400 0, 9619 00 500 0, 9619 00 710, 9619 00 750, 9619 00 790, 9619 00 890:

2. Սույն տեխնիկական կանոնակարգով սահմանվում են սույն որոշման 1-ին կետով սահմանված կենցաղային և սանիտարահիգիենիկ նշանակության թղթե և քիմիական թելքերից ապրանքների (այսուհետ՝ կենցաղային և սանիտարահիգիենիկ նշանակության ապրանքներ) անվտանգությունը բնութագրող ցուցանիշները, դրանց մակնշմանը, փաթեթավորմանը, պահմանը, փոխադրմանը, շուկայահանմանը ներկայացվող պահանջները և համապատասխանության գնահատման ընթացակարգերը:

3. Կենցաղային և սանիտարահիգիենիկ նշանակության ապրանքները ենթակա են համապատասխանության պարտադիր հավաստման:

**2. ՀԱՍԿԱՑՈՒԹՅՈՒՆՆԵՐԸ**

- 4. Սույն տեխնիկական կանոնակարգում կիրառվում են հետևյալ հասկացությունները՝
  - 1) **անհատական փաթեթվածք**՝ մեկ առանձին միջադիրի, փաթեթավորված փաթեթ.
  - 2) **թաղանթանյութ**՝ թելքավոր կիսապատրաստվածք, որն ստացվում է քիմիկատների լուծույթների հետ բուսական հումքի եփման միջոցով, որի արդյունքում հեռացվում է ոչ թաղանթանյութային բաղադրիչների մեծ մասը՝ լիգնին, կիսաթաղանթանյութ, լուծամզային նյութեր.

3) **թուղթ**՝ նյութ, որի 1 մ2 մակերեսի զանգվածը չի գերազանցում 230 գ-ը, հիմնականում բաղկացած է մակերևութային շաղկապման ուժով իրար կապված բուսական թելքերից և կարող է պարունակել ստանձապատման նյութեր, հանքային լցանյութեր, քիմիական և բնական թելքեր, պիգմենտներ և ներկանյութեր:

4) **կանացի հիգիենիկ միջադիր**՝ մեկանգամյա օգտագործման բազմաշերտ ներծծող ապրանք, որը նախատեսված է կանանց արտաքին արտազատումների ներծծման և պահման համար:

5) **հատուկ բաղադրիչ**՝ նյութ, որը նախատեսված է կենցաղային և սանիտարահիգիենիկ նշանակության ապրանքներին հիմնական գործառական հատկություններից բացի լրացուցիչ հատկություններով (հակամանրէային, հոտը կլանող և այլն) օժտելու համար:

**3. ՇՈՒԿԱՅԱՀԱՆՄԱՆԸ ՆԵՐԿԱՅԱՑՎՈՂ ՊԱՀԱՆՁՆԵՐԸ**

5. Հայաստանի Հանրապետության տարածքում կենցաղային և սանիտարահիգիենիկ նշանակության ապրանքների իրացման ժամանակ պետք է պահպանվեն համապատասխանության պարտադիր հավաստման ենթակա արտադրանքի նկատմամբ սույն տեխնիկական կանոնակարգով սահմանված պահանջները:

6. Հայաստանի Հանրապետության տարածքում համապատասխանության պարտադիր հավաստման ենթակա և շրջանառության մեջ գտնվող կենցաղային և սանիտարահիգիենիկ նշանակության ապրանքները պետք է ուղեկցվեն համապատասխանության նշանի մակնշմամբ, համապատասխանության սերտիֆիկատով կամ գրանցված համապատասխանության հայտարարագրով:

**4. ԱՆՎՏԱՆԳՈՒԹՅԱՆԸ ՆԵՐԿԱՅԱՑՎՈՂ ՊԱՀԱՆՁՆԵՐԸ**

7. Կենցաղային և սանիտարահիգիենիկ նշանակության ապրանքների պատրաստման համար օգտագործվող թուղթը, թաղանթանյութը, թղթի զանգվածը, թաղանթանյութի բամբակը, մանածագործական նյութերը, պոլիմերային թաղանթները, քիմիական թելքերը, մանածագործական և դրանց հետ խառնվող թղթի և ստվարաթղթի թափոնը, ինչպես նաև ներկանյութերը, բուրավետիչ և (կամ) տարբեր բաղադրիչներով (հականեխիչ, ախտահանիչ, լվացող և այլն) տոգորման նյութերը, տպագրական ներկերը, ստինձները և կլանող (աբսորբող) նյութերը պետք է համապատասխանեն Հայաստանի Հանրապետության կառավարության 2019 թվականի օգոստոսի 1-ի N 1009-Ն որոշման N 10 հավելվածով սահմանված պահանջներին:

8. Կենցաղային և սանիտարահիգիենիկ նշանակության ապրանքների անվտանգության հիգիենիկ ցուցանիշները, այդ թվում՝ ջրային միջավայր արտազատվող վնասակար նյութերի թույլատրելի քանակությունները պետք է համապատասխանեն N 1 աղյուսակով սահմանված պահանջներին, իսկ կանացի հիգիենիկ միջադիրների, վիրախճուծների (տամպոններ) գործառական ցուցանիշները պետք է համապատասխանեն N 2 աղյուսակով սահմանված պահանջներին:

**Աղյուսակ N 1**

**Կենցաղային և սանիտարահիգիենիկ նշանակության ապրանքների անվտանգության հիգիենիկ ցուցանիշները, այդ թվում՝ ջրային միջավայր արտազատվող վնասակար նյութերի թույլատրելի քանակությունները**

Ցուցանիշի անվանումը	Ցուցանիշի արժեքն ըստ արտադրանքի տեսակի				
	թղթե անձեռոցիկներ, թաշկինակներ, զուգարանի թուղթ (միաշերտ կամ բազմաշերտ) և այլ թղթե արտադրատեսակներ	խոհանոցային թղթե սրբիչներ և սպասքավորման անձեռոցիկներ, սփռոցներ	կանացի հիգիենիկ միջադիրներ, վիրախճուծներ (տամպոններ)	ամենօրյա	կրիտիկա-կան օրերի համար
1	2	3	4	5	6
1. Ջրային լուծամզուքի pH	4,5-8,5		ջրային լուծույթի pH-ի փոփոխությունը + 1-ից ոչ ավելի		

<p>2. Հիգիենիկ ցուցանիշները՝ 2.1. Ջրային լուծամզուքի՝ արտաքին տեսքը</p> <p>հոտը, բալլ, ոչ ավելի</p> <p>թթվայնացումը (օրգանական նյութերի ընդհանուր քանակը), մգ Օ2/դմ<sup>3</sup>, ոչ ավելի</p>	<p>թափանցիկ հեղուկ՝ առանց պղտորության, նստվածքի և գունավորման</p> <p>-</p> <p>1</p> <p>-</p>	<p>թափանցիկ հեղուկ՝ առանց պղտորության և նստվածքի</p> <p>1</p> <p>10,0</p>
<p>2.2. Ջրային միջավայր արտազատվող վնասակար նյութերի քանակությունը, մգ/դմ<sup>3</sup>, ոչ ավելի՝</p> <p>Ֆորմալդեհիդ</p> <p>կապար (Pb)</p> <p>ցինկ (Zn)</p> <p>քրոմ (Cr<sup>6</sup>),</p> <p>քրոմ (Cr<sup>3</sup>)</p>	<p>0,100</p> <p>-</p> <p>-</p> <p>-</p> <p>0,030</p> <p>0,100</p> <p>0,100</p> <p>(գումարային)</p>	<p>0,100</p> <p>-</p> <p>-</p> <p>-</p>
	<p>Գունավորման համար ներկեր օգտագործելու դեպքում</p>	
<p>կապույտ կոբալտ (Co)</p> <p>դեղին քրոմ (Cr<sup>6</sup>), քրոմ (Cr<sup>3</sup>)</p> <p>կադմիում (Cd)</p>	<p>0,100</p> <p>0,100 (գումարային)</p> <p>0,001</p>	<p>-</p> <p>-</p> <p>-</p>



Աղյուսակ N 2

Արտադրանքի տեսակը	Ցուցանիշի անվանումը և նորմը		
	լրիվ խոնավակլանումը, գ, ոչ պակաս	ներծծման ժամանակը, վ, ոչ ավելի	հակադարձ մակակլանումը, գ
1	2	3	4
Կանաչի հիգիենիկ միջադիրներ, վիրախճուծներ (տամայուններ)			
<i>Ամենօրյա`</i>			
1-ին դասի			
2-րդ դասի	8,5	-	-
<i>Կրիտիկական օրերի համար`</i>			
1-ին դասի`	4,0	-	-
միջին խոնավակլանմամբ բարձր խոնավակլանմամբ	50,0	7,0	-
2-րդ դասի`	55,0	6,0	-
միջին խոնավակլանմամբ բարձր խոնավակլանմամբ	44,0	7,0	-
	47,0	7,0	-
<i>Գիշերային և առատ արտազատման դեպքում`</i>			
1-ին դասի`			
միջին խոնավակլանմամբ բարձր խոնավակլանմամբ	65,0	7,0	-
2-րդ դասի`	70,0	6,0	-
միջին խոնավակլանմամբ	60,0	7,0	-




**5 | ԿԵՆՏՐԱԴԱՅԻՆ ԵՎ ՍԱՆԻՏԱՐԱԶԻԳԻԵՆԻԿ ՆՇԱՆԱԿՈՒԹՅԱՆ ԱՊՐԱՆՔՆԵՐԻ ՄԱԿՆՇՈՒՄԸ**

9. Կենցաղային և սանիտարահիգիենիկ նշանակության ապրանքների յուրաքանչյուր միավորի փաթեթվածքի կամ փաթեթվածքի և (կամ) դրան ամրացված պիտակի վրա պետք է լինի հետևյալ մակնշվածքը`

- 1) արտադրանքի անվանումը, մակնիշը (առկայության դեպքում).
- 2) արտադրող երկրի անվանումը.
- 3) արտադրող կազմակերպության անվանումը, գտնվելու վայրը.
- 4) կանաչի հիգիենիկ միջադիրների և վիրախճուծների համար` տեխնիկական կառուցվածքի տարբերակիչ բնութագրերը.
- 5) արտադրանքի անվանական չափերը (զլանափաթեթի երկարությունը և լայնությունը, թերթի չափերը կամ մակերեսը).
- 6) տեղեկատվություն հատուկ բաղադրիչների առկայության մասին.
- 7) փաթեթվածքում ապրանքների քանակը.
- 8) պատրաստման ամիսը, տարեթիվը, իսկ մանրէազերծված կենցաղային և սանիտարահիգիենիկ նշանակության ապրանքների համար` մանրէազերծման օրը, ամիսը, տարեթիվը.
- 9) «Կոյուղի չնետել» բառերը.
- 10) տոգորող լուծույթի կամ պատվածքի (առկայության դեպքում) բաղադրությունը.
- 11) օգտագործման ցուցումները.
- 12) մանրէազերծված կենցաղային և սանիտարահիգիենիկ նշանակության ապրանքների համար լրացուցիչ պետք է նշել «Չօգտագործել անհատական փաթեթվածքի խախտման դեպքում» բառերը, իսկ ճառագայթումային մեթոդով մանրէազերծման դեպքում` «Մանրէազերծված է ճառագայթումային մեթոդով» բառերը.
- 13) կանաչի հիգիենիկ միջադիրների համար լրացուցիչ կարող են նշված լինել N 3 աղյուսակով սահմանված խոնավակլանման գրաֆիկական պայմանական նշանները:

Աղյուսակ N 3

**Կանաչի հիգիենիկ միջադիրների խոնավակլանման գրաֆիկական պայմանական նշանները**

Միջադիրի տեսակը	Խոնավակլանման գրաֆիկական պայմանական նշանը
<i>Սսենոթյա՝</i> 1-ին դասի  2-րդ դասի	
<i>Կրիտիկական օրերի՝</i> 1-ին դասի՝ բարձր խոնավակլանմամբ  2-րդ դասի՝ բարձր խոնավակլանմամբ  1-ին դասի՝ միջին խոնավակլանմամբ  2-րդ դասի՝ միջին խոնավակլանմամբ	
<i>Գիշերային՝</i> 1-ին դասի՝ բարձր խոնավակլանմամբ  1-ին դասի՝ միջին խոնավակլանմամբ  2-րդ դասի՝ միջին խոնավակլանմամբ	

10. Մակնշվածքը պետք է լինի հստակ, պարզ և ընթեռնելի:

11. Արտադրողը, մատակարարը կամ նրա լիազոր ներկայացուցիչը պետք է ապահովի Հայաստանի Հանրապետությունում իրացվող՝ Հայաստանի Հանրապետությունում արտադրվող և ներմուծվող կենցաղային և սանիտարահիգիենիկ նշանակության ապրանքների մասին սույն տեխնիկական կանոնակարգի 9-րդ կետով սահմանված տեղեկատվության տրամադրումն ապառողին՝ հայերենով:

12. Փոխադրական տարայի մակնշվածքը պետք է պարունակի «Կեռերով չվերցնել», «Պահպանել խոնավությունից» վարվելակարգային նշանները:

**6 | ԿԵՆՑԱԳԱՅԻՆ ԵՎ ՍԱՆԻՏԱՐԱԶԻԳԻԵՆԻԿ ՆՇԱՆԱԿՈՒԹՅԱՆ ԱՊՐԱՆՔՆԵՐԻ ՓԱԹԵԹԱՎՈՐՈՒՄԸ, ՓՈԽԱԴՐՈՒՄԸ ԵՎ ՊԱՀՈՒՄԸ**

13. Կենցաղային և սանիտարահիգիենիկ նշանակության ապրանքները պետք է փաթեթավորել թղթով, պոլիմերային թաղանթով կամ փաթեթավորման այլ նյութերով, որոնք կապահովեն դրանց պահպանվածությունը և սույն տեխնիկական կանոնակարգով սահմանված պահանջների պահպանումը՝ փոխադրման և պահման ընթացքում:

14. Տոգորման նյութերով մշակված կենցաղային և սանիտարահիգիենիկ նշանակության ապրանքները պետք է փաթեթավորել փոխադրման, իրացման և պահման ժամանակ գործառական հատկությունների պահպանվածությունն ապահովող հերմետիկ փաթեթվածքով:

15. Մանրէազերծված յուրաքանչյուր կանացի հիգիենիկ միջադիրի և վիրախճուծի հերմետիկ փաթեթավորման նյութերը պետք է համապատասխանեն Հայաստանի Հանրապետության կառավարության 2019 թվականի օգոստոսի 1-ի N 1009-Ն որոշման N 10 հավելվածով սահմանված պահանջներին:

16. Նույն խմբային փաթեթվածքում պետք է փաթեթավորել նույն անվանմամբ, չափերով, տեխնիկական և գեղագարդային նույն կառուցվածքով կենցաղային և սանիտարահիգիենիկ նշանակության ապրանքներ:

17. Կենցաղային և սանիտարահիգիենիկ նշանակության ապրանքներով փաթեթվածքների փոխադրումը պետք է իրականացնել փոխադրական տարաներում փաթեթավորված՝ փակ տեսակի տրանսպորտային միջոցներով:

18. Կենցաղային և սանիտարահիգիենիկ նշանակության ապրանքները պետք է պահել փակ, մթնոլորտային տեղումներից, խոնավությունից պաշտպանված տարածքներում և փոխադրման, իրացման ժամանակ ապահովել պաշտպանվածությունը մթնոլորտային տեղումներից և խոնավությունից:

**7. ՀԱՄԱՊԱՏԱՍԽԱՆՈՒԹՅԱՆ ԳՆԱՀԱՏՄԱՆ ԸՆԹԱՑԱԿԱՐԳԵՐԸ**

19. Սույն տեխնիկական կանոնակարգի պահանջներին կենցաղային և սանիտարահիգիենիկ նշանակության ապրանքների խմբաքանակի կամ սերիական արտադրության համար համապատասխանությունը գնահատելու համար հայտատուն՝

1) խմբաքանակի կամ սերիական արտադրության համար կիրառում է Հայաստանի Հանրապետության կառավարության 2014 թվականի հունվարի 16-ի N 56-Ն որոշմամբ սահմանված սերտիֆիկացման կամ հայտարարագրման ընթացակարգերը.

2) արտադրանքը մակնշում է համապատասխանության ազգային նշանով՝ Հայաստանի Հանրապետության կառավարության 2013 թվականի մարտի 14-ի N 337-Ն որոշմամբ սահմանված կարգով:

20. Սերտիֆիկացում իրականացրած համապատասխանության գնահատման նշանակված մարմինը փորձարկումներ կատարելու նպատակով արտադրանքի նմուշառումը պետք է կատարի սույն տեխնիկական կանոնակարգի 10-րդ բաժնում ներառված ստանդարտներին համապատասխան:

21. Կենցաղային և սանիտարահիգիենիկ նշանակության ապրանքների նույնականացման գործընթացում ստուգվում են դրանց փաթեթվածքի կամ դրանց փակցված պիտակների վրա կատարված մակնշվածքի համապատասխանությունն ապրանքատղելից փաստաթղթում նշված տեղեկատվությանը:

22. Սույն տեխնիկական կանոնակարգով սահմանված պահանջների համապատասխանությունը կատարվում է 10-րդ բաժնով նախատեսված ստանդարտներով սահմանված փորձարկման մեթոդներով:

23| Կենցաղային և սանիտարահիգիենիկ նշանակության ապրանքների անվտանգության հիգիենիկ ցուցանիշների որոշման ժամանակ ջրային լուծամզուքը պետք է պատրաստել սանիտարական կանոններին և նորմերին համապատասխան:

24| Կենցաղային և սանիտարահիգիենիկ նշանակության ապրանքների անվտանգության հիգիենիկ ցուցանիշները պետք է համապատասխանեն Հայաստանի Հանրապետության կառավարության 2019 թվականի օգոստոսի 1-ի N 1009-Ն որոշման N 10 հավելվածով սահմանված պահանջներին:

25. Հայաստանի Հանրապետության կառավարության 2014 թվականի հունվարի 16-ի N 56-Ն որոշմամբ սահմանված սերտիֆիկացման համար նախատեսված ընթացակարգերով սերիական արտադրանքի համար համապատասխանության գնահատման նշանակված մարմինը հայտատուին համապատասխանության սերտիֆիկատը հանձնելու ժամանակ վերջինիս հետ կնքում է համապատասխանության սերտիֆիկատ տալու պայմանների պահպանման նկատմամբ իրականացվող հսկողության պայմանագիր:

26. Համապատասխանության հայտարարագրի կամ համապատասխանության սերտիֆիկատի գործողության ժամկետը սահմանվում է 3 տարուց ոչ ավելի:

27. Սույն տեխնիկական կանոնակարգով սահմանված պահանջներին համապատասխանության սերտիֆիկատի կամ համապատասխանության հայտարարագրի կասեցման կամ դադարեցման պայմանները և գործընթացները սահմանված են Հայաստանի Հանրապետության կառավարության 2014 թվականի հունվարի 16-ի N 56-Ն որոշմամբ:

**8. ՉԱՓՈՒՄՆԵՐԻ ՄԻԱՍՆԱԿԱՆՈՒԹՅԱՆ ԱՊԱՀՈՎՈՒՄԸ**

28. Կենցաղային և սանիտարահիգիենիկ նշանակության ապրանքների ցուցանիշների չափումների միասնականության ապահովումը պետք է իրականացվի «Չափումների միասնականության ապահովման մասին» Հայաստանի Հանրապետության օրենքով սահմանված կարգով:

**9. ՊԵՏԱԿԱՆ ՎԵՐԱՀՄԿՈՂՈՒԹՅՈՒՆԸ**

29. Սույն տեխնիկական կանոնակարգի պահանջներին կենցաղային և սանիտարահիգիենիկ նշանակության ապրանքների համապատասխանության պետական վերահսկողությունն իրականացվում է «Տեխնիկական կանոնակարգման մասին», «Հայաստանի Հանրապետությունում ստուգումների կազմակերպման և անցկացման մասին» օրենքներով և այլ իրավական ակտերով սահմանված կարգով:

**10. ՏԵԽՆԻԿԱԿԱՆ ԿԱՆՈՆԱԿԱՐԳՈՎ ՍԱՀՄԱՆՎԱԾ ՊԱՀԱՆՁՆԵՐԻ ԿԱՏԱՐՈՒՄՆ ԱՊԱՀՈՎՈՂ ՄՍԱՆԴԱՐՏՆԵՐԻ ՑԱՆԿԸ**

Ստանդարտների նշագիրը	Պահանջներ և փորձարկման մեթոդներ սահմանող ստանդարտի անվանումը
ԳՕՍՍ Ռ 52354	Կենցաղային և սանիտարահիգիենիկ նշանակության թղթե արտադրատեսակները. Ընդհանուր տեխնիկական պայմաններ
ԳՕՍՍ Ռ 52483	Կանացի հիգիենիկ միջադիրներ (փաթեթներ). Ընդհանուր տեխնիկական պայմաններ
ՀՍՍ 219	Արտադրատեսակներ սանիտարահիգիենիկ նշանակման. Անձնական հիգիենայի արտադրատեսակներ. Ընդհանուր տեխնիկական պայմաններ:



Հայաստանի Հանրապետության  
վարչապետի աշխատակազմի  
ղեկավար

**Ա. Հարությունյան**

16.06.2023  
ՀԱՎԱՍՏՎԱԾ Է  
ԷԼԵԿՏՐՈՆԱՅԻՆ  
ՍՏՈՐԱԳՐՈՒԹՅԱՄԲ

**Պաշտոնական հրապարակման օրը՝ 16 հունիսի 2023 թվական:**